

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: E Piti Toata i te Matahiti.

Nu. 11

Noema 1934


Mat. 28

“Te parau atu nei au ia outou, ia faaore te tahi i ta te
tahi iho e tia ai, o tei ore hoi i faaore i te hapa a to'na ra
taeae, te vai fauhapahia ra oia i mua i te Fatu, no te mea te
vai ra i roto ia'na te hapa rahi. E faaore au o te Fatu i ta'u
i hinaaro i te faaore, e titauhia atu nei ra outou ia faaore i te
hapa a te taata'toa.” B. F. 64:8-10; B. F. S. 64:2;
Mataio 6:14, 15; 18:21, 35; III Nephi 13: 14, 15.

Ritate R. Limana.

E 63 matahiti i mairi a'enei, i roto i te hoê oire nainai
o Fillmore, Utaha, ua fanau mai i roto i teie nei ao
te hoê tamaiti o tei riro ei taata paari roa i roto i ta'na mau
ohipa i rotopu i te mau taata i roto i teie nei ao.

Mai te au i te parau tuatapapa no te Ekalesia, ua
maitihia o Amasa M. Limana te tupuna tane no Ritate
Limana ei Aposetolo no te Ekalesia i te matahiti 1842 e ua
pohe oia i te matahiti 1877. Te metua tane no Ritate, o
Francis M. Limana, ua maitihia oia ei Aposetolo i te matahiti
1880 e ua pohe oia i te matahiti 1916, e 36 matahiti te maoro
raa i to'na tapearaa i taua toroa ra, e ua rahi te ohipa maitai



*E HOHOA TEIE NO TE HOE APOSETOLO O
RITATE R. LIMANA.*



ta'na
mata
mait
Ekal
nei i

huru
oia
oia
oia i
noaa
oia
"Un
mata
te tal
roa a
ohipa
horoo

a te
e rav
rave
faate
nieur

ta'na
taata
e te fa

Ingén
i te p
no te

ta'na i rave e e roo maitai to'na i te mau vahi atoa. E piti matahiti i muri a'e i te poheraa o Francis M. Limana ua maitihia ta'na tamaiti o Ritata Limana ei Aposetolo no te Ekalesia, e te mau nei â oia i taua toroa ra e te rave itoito nei i te mau ohipa tei horoa hia i roto i to'na rima.

I te apî raa o Ritata e mea ino to'na na mata e mea huru mai hia to'na tino, area ra, noa'tu i te reira, ua haere oia i te mau haapiiraa, e i te matahiti 1891 ua mahiti mai oia no roto mai i te hoê haapiiraa rahi, e ua haere faahou oia i roto i te tahi haapiiraa teitei a'e e i te matahiti 1895 ua noaa mai ia'na ta'na parau. I te matahiti 1896 ua maitihia oia ei Orometua i roto i te haapiiraa teitei no Utaha te "University of Utah," e te reira ta'na ohipa e tae noa'tu i te matahiti 1918 na tupu to'na hinaaro ia haere faahou i roto i te tahi haapiiraa teitei ia noaa mai ia'na i te hoê parau teitei roa a'e e na roto i to'na itoito e to'na tamau noa raa i te ohipa, ua manuia roa oia, e ua rahi te mau parau teitei tei horoa hia ia'na.

I roto i ta'na mau ohipa, i roto i teie nei ao, te ohipa a te Atua o te ohipa matamua ia ta'na i rave e ia oti te reira, e rave oia i te ohipa no te pae tino, e noa'tu te ohipa; ia rave maitai hia e tia, te purumuraa i te fare, e aore ra te faatereraa i te hoê ohipa rahi mai te au i to'na toroa (Ingénieur Civil.)

Ua tae to'na roo i te mau vahi atoa, e ua rahi te ohipa ta'na i rave no te Hau. Ua maitihia oia ei hoê no te pupu taata Ingénieur Civil, e 28, e ta ratou ohipa o te tamaraa e te faaneheheheraa, no te oire Chicago e e 50 atu â mau oire.

Ua maiti atoa hia oia ei hoê no te pupu e too pae Ingénieurs Civils, no te maitiraa i te hoê e'a no te faairaa'tu i te pape, no roto atu i te anavaira Colorado i te pae Apatoa no te fenua Tarafonia. Ua mana'ohia e, e pau e 7 matahiti

no te hamaniraa i taua e'a pape ra, e e pau atoa e piti hanere e e piti ahuru milioni tara moni Amerika no taua ohipa ra. Na roto i to'na maitiraahia, ei hoê no rotopu i te mau taata faatere i taua ohipa ra, te ite nei tatou e, e taata ite mau oia i ta'na ohipa.

I te 9 no Tetepa i te matahiti 1896 ua faaipoipo oia ia Amy Brown e ua fanau mai ia raua e too piti tamarii, hoê tamarii tamaroa e e hoê tamarii tamahine. O Axelander Schreiner te tane o te tamahine o te hoê ia tei maitihia e te Peretiteniraa no te Ekalesia ia faatai ite hamonia rahi i roto i te Fare Menemene.

O Ritae R. Limana o te hoê ia melo oia no teie mau Sotaiete i raro nei. American Society of Ingenieurs Civils, American Waterworks Association, American Association of Engineers, American A. A. C. Society P. E. E. Utah Society of Engineers, Utah Academy of Science.

Papaihia e Leroi Marori

Te Paturaa I To Tatou Oraraa.

Te tino o te taata nei o te ohipa hanahana a'e a te Atua. I roto i te pene matamua no te Genese te haapiihia mai nei i te huru no te hamaniraa o teie nei ao ra. I roto i na mahana e pae ra ua hamani te Atua i teie nei ao, e i te ono o te mahana ua faaoti oia i ta'na ohipa rahi, oia hoi, te hamaniraa ia o te taata nei. *Genese 1: 26-27.*

Ua Hinaaro anei tatou ia riro ei taata nehenehe? Mai te mea e, ua roaa mai ia tatou i te hoê poe rahi, e poe pape maitai e te nehenehe roa, e poe hau roa i te nehenehe, eaha to tatou haapaoraa i taua poe ra? e haapao ore anei tatou i taua poe ra? e tuu anei tatou i te pape auahi i nia ia'na, e e tapu

anei tatou ia'na i te tipi, e aore ra e tupai anei tatou i taua poe i te hamara? Eita roa tatou e na reira, e faaherehere ra tatou i taua tao'a ia ore ia hamani inohia e ia vai noa oia mai to'na huru mau.

To tatou tino nei, tei horoa hia mai ia tatou e te Atua, ua hau roaa i te nehenehe i tera poe e te mau mea atoa i roto i teie nei ao. To tatou tino o te fare ia no to tatou *Varua* i roto i teie nei ao, e i roto i taua fare ra te vai nei te mau huru machine nehenehe, e mau machine te ore roa e ori i te taata ia hamani, hoê noa iho taata te ite i te hamaniraa i taua machine ra o te Atua ana'e, e tao'a rahi roa teie tino nei ia feruri tatou i to'na huru, e haamana'o atoa tatou ia ino i te hoê vahi o teie tino, ia ino te hoê mau mea no taua machine ra eita e tia ia tatou ia hoo faahou mai i te mea apî, ia ino ta tatou mori, oia hoi, to totou mata, aita e ravea ia hoo mai i te mea apî. Ua horoa hia ia tatou e piti mata, tirara ia, ia ino te reira eita tatou e ite faahou i to tatou purumu.

No reira teie te uiraa, te haapao nei anei tatou i teie tao'a rahi, teie tao'a tei ore e tia i te taata ia hoo, oia hoi to tatou tino, te imi nei anei tatou i te mau ravea atoa ia vai noa oia mai to'na huru mau? A haere tatou e farerei tatou ia tatou iho, a haere tatou i mua i te hoê hi'o rahi ia farerei to tatou mata i to tatou iho mata, e aha to tatou huru? e taata ivi roa anei tatou no te haapao ore raa i ta tatou maa, e no te rahiraa o te ava e te avaava tei haere i roto ia tatou e te haere nei to tatou na mata i te poiri no te rahiraa o te mau mea taero ia tatou i faatia ia haere i roto i to tatou tino? te haamata nei anei to tatou mau machine i te paruparu no te mea aita tatou i tahinu e e horoi e e tuu i te mau mea e au i roto ia ratou? E aore ra te hi'o nei tatou i te hoê taata nehenehe e te tino rahi e te itoito, to'na nau mata e mea papu maitai e te hoê tino tei i roa i te puai e te hinaaro i te rave i te ohipa. E mea papu na hinaaro tatou ia riro mai teie taata hopea oia

hoi ei taata nehenehe. E teie te uiraa, eaha ta tatou ravea ia riro tatou mai teie taata te huru? *Buka, Fafau 88. 124.* na teie mau purau i muri nei e haapii mai ia tatou i te ravea ia riro tatou mai taua taata ra.

Maa No Te Tino. I te matahiti 1833, e toru matahiti i muri a'e i te faatia raa i te Ekalesia a Iesu Mesia i Te Feia Mo'a i Te Mau Mahana Hopea Nei, ua horoa te Atua, ia Iosepha Semita i te hoê Heheuraa, tei parau hia, Te Parau Paari ia riro ei aveia no te mau melo no te Ekalesia. *Buka Fafau 89-2*

Ua faaite mai teie Heheuraa i te mau mea e au no te tino o te taata nei e te mau mea te ore e au i te tino o te taata nei.

Te Mea Haapiiraa e te Heheuraa. Na ô mai ra te Atua ia Iosepha i te taima ta'na i horoa i teie Heheuraa. *Buka Fafau 1-24.*

“Inaha, o vau hoi te Atua, e ua parauhia e au, na'u teie nei mau faaueraa, e ua horoahia atu i ta'u mau tavini i to ratou paruparu ra, na roto i to ratou ra reo, ia noaa ia ratou te ite. “*Buka Fafau 1;24.*

A Hiopoa tatou i teie mau parau ia ite tatou i to ratou huru.

1. Eiaha e Inu i Te Ava. Te mau huru uaina e te mau huru ava e mea ino ia. “E mai te mea ia inu te hoê taata no roto ia outou na i te uaina, e te mau ava taero, inaha e ere ia i te mea tia, e ere atoa i te mea au i mua i te aro o to outou ra Metua.” *Buka Fafau 89;5.*

Ua ite tatou i te huru o te taata tei taerohia e te ava, eita e tia ia'na ia haere mai te afaro; e tauene noa to'na tino mai te hoê haari teitei, i roto i te mata'i rahi; to'na na mata, ua huru ê ia eita oia e ite maitai; to'na arero, e mea etaeta,

mai te mea ra ua nirahia, e ua riro to'na feruriraa mai to te tamarii te huru, e aita oia e haapao faahou i to'na tino, ua riro oia ei taata hupehupe roa. Eaha te tumu no te huri e raa o te tino o te taata inu ava? teie ia, te tuu nei oia i te mau mea au ore i roto i ta'na machine e aita e nehenehe i te machine ia faariro i teie mau mea ei maa ora, no te mea e maa taero e maa pohe te reira, e ia tae teie huru maa pohe i roto i te machine ora, e haapohe hia te tahi mau mea ora i roto, e te hopea e paruparu te machine e e hupehupe te taata, e ia inu noa teie taata i te ava e pohe roa oia. Eaha te tumu aita te Hau e hinaaro i te taata inu ava ei taata rave ohipa? no te mea eita e tia i te Hau ia tiaturi i nia ia'na, ia horoahia te hoê ohipa fifi ia'na e oti paha e aita paha, no te mea e mea paruparu to'na feruriraa. Eita te Hau e te mau sotaiete e horoa i te pahi reva i roto i te rima o te taata inu ava, no te mea te taata tei faatere i te pahi reva, e mea tia ia papu maitai to'na feruriraa e ia araara maitai to'na mata e ia itoitro roa to'na tino, ia tupu te peapea i te reva, ua ite te taata faatere i te mau ravea ia ore ia pohe te mau taata inia i te pahi-reva, e ia parari atoa hei te pahi, Eita te mau sotaiete rahi e rave i te taata inu ava ei raatira no to ratou mau pahi, no te mea e moni rahi roa no teie pahi e ua rahi te taata te tere nania, e e rahi hoi te taihaa te afaihia, ua ite ratou e ia roohia te pahi i tua e te matai e te miti rahi, eita te mau mataro e faatura i to ratou raatira, mai te mea ua taero oia. E eita atoa te raatira tei taero i te ava e ite i te mau ravea e ora'i te mau horapatete e ia tae atu te pahi i te fenua mana'ohia. E tera ra te huru i te mau vahi atoa i roto i teie nei ao, ia hinaaro tatou ia riro ei taata rahi i roto i te mau ohipa rahi no teie nei ao, eita e tia ia tatou ia inu i te ava. Te taata tei hinaarohia e to teie nei ao, o te taata e feruriraa papu, e te mata araara to'na, te taata tei haapao maitai i ta'na mau machine, te taata tei turu i te mau maa-ora i roto e ia roohia to'na pahi i te ati e ia

parau oia, e haapao te mau mataro i ta'na faaueraa, ua hina-
arohia te taata e roo maitai to'na.

2. Eiaha E Puhipuhi I Te Avaava. “E teie â hoi, e ere te
avaava i to te tino, e ere atoa hoi i to te opu, e ere hoi i te
mea maitai na te taata, ei raau rii râ no te mau pepe, e na
te puaatoro i pohe ma'i hoi, ia au ra te raveraa-hia mai te
ite e te paari.” *Buka Fafau 89;8.*

Na ô mai ra te Atua, e raau te avaava no te mau
puaatoro i pohe i te ma'i, mai te mea e, ia au te raveraa-hia,
ia ore ra e tia te raveraa-hia e mea papu e, e raau taero roa
te reira, no reira ia parau mai te Atua ia oe e, a rave oe i
teie raau e faamu oe i ta oe puaatoro pohe i te ma'i, eiaha
ra e faarahi, no te mea, e raau taero e e pohe te puaatoro, e
amu anei oe i teie raau? Ia faaite mai te hoê taote rahi ia'oe;
tei roto i te hoê mohina te hoê raau taero roa, e haere ia oe
e inu i tera raau? te na reira nei te taata o te puhipuhi nei i
te avaava.

Eaha te hopea o te taata apî-tei ore i mata'u i te hopu,
e tei haere i te vahi bohonn e hopu ai? eaha te hopea o te
taata tei faatere i to'na pahi i tua ma te machine ore e te ie
motumotu? eaha te hopea o te taata o te faahoro i to'na
pereoo na te purumu i te po, aita to'na e mori? Teie te
pahonora no teie mau uiraa; O te pohe ia. Ua hinaaro te
Atua ia tauturu mai ia tatou i te taima i faaite mai ai Oia e,
e mea taero tera raau, e e farii anei tatou i ta'na parau, e
aore ra, e tamata tatou ia taerohia e ia paruparu to tatou
mau machine ei reira e ani atu ai i te Atua ia tauturu mai ia
tatou.

E Mea Taero Te Avaava, Tei roto i te avaava te boê taero
parauhia “nicotine.” e e taero puai roa te reira. I te taima
e iritihia mai oia no roto mai i avaava, mai te pape to'na
huru, ia huru maoro ra i rapae i te vahi maramarama e riro

oia ei mea rehurehu. E mai te au i tei faaitehia mai e te mau taote rahi, e navai e piti e aore ra o toru topata o teie taero, tei iriti hia mai no roto i te avaava, no te haapohe i te hoê taata mai te mea e inu oia i te reira mau topata i te taima hoê.

Te na ô maire te taote ra o Dr. Oaks. te hoê ia taote rahi no teie nei ao, "e mea ino roa te avaava, e faaino oia i te mafatu, te mahaha, te mau uaua pamu raa toto, te mata e te feruri raa o te taata tei puhipuhi ia'na." Ua faaite atoa mai oia e, "i rotopu o te hanere o te mau taurearea, mai te ahuru e tae noa'tu i te ahuru mahitu o te matahiti, tei tae i mua i te aro o te haava, i te oire ra o New, york, no te rave raa i te hoê hara, ua noaa e iva ahuru e maiva tei puhipuhi i te avaava."

3. E Mea Ino Te Taofe E Te Ti. "E teie â hoi, e ere te mau inuraa veavea i to te tino e i to te opu, "*Buka Fafau* 89;9. Ia inu tatou i te taofe e te ti, e inu tatou i te reira i te taima te vai veavea noa ra ia, e e mea ino te reira no te opu. Te vai atoa ra te taero i roto i te taofe e te ti, tei parauhia te *tannin* e te *caffein*, e mea taero roa teie na mea e piti, e ia haere noa teie taero i roto i te opu e paruparu te mau melo no te tine.

A feruri tatou, i nia i teie mau mea au ore, e faufaa hia anei to tatou mau tino i te hoê vahi iti a'e, ia tuuhia teie mau mea taero i roto ia'na? E hoê noa iho pahono raa, aita roa ia. E pau anei to tatou moni i te hoo raa mai i teie mau mea? te pahonora. E! no reira, ia ite tatou e, te amu nei tatou i te hoê mea, e eita to tatou mau tino e faufaahia na roto i te amuraa i taua mea ra e e pau atoa to tatou moni i te hoo raa mai i te reira mau mea, e mea tia ia faatupu tatou i te feruriraa, i roto ia tatou iho, ia faarue i teie mau pen ino.

Papaiahia e Leroi Marori.

Te Mau Parau A Te Peropheta.

Ua tae maira hoi te parau a Iehova ia'u nei, na ô maira, E rave â hoi oe, e te tamaiti a te taata na, i te hoê raau, a papai ai i nia iho, Na Iuda e na te tamarîi a Iseraela, o to'na ra mau hoa: e mai reira hoi, a rave ai i te tahi raau, a papai ai i ni iho, Na Iosepha, te raau na Epheraïma, e te utuafare atoa o Iseraela, o to'na ra mau hoa: a taati atu ai i te tahi i te tahi ia hoê â raau; e ia riro ei hoê i roto i to rima na.

E ia parau mai te mau tamarîi ra o to oe mau taata ia oe, ia na ô mai e, Eita oe e faaite mai ia natou i ta oe *parau* i tena na pue *raau*? E parau atu oe ia ratou, Te na ô maira te Fatu ra o Iehova; Inaha, e rave au i te raau a Iosepha, i roto i te rima o Epheraïma, e na opu o Iseraela i to'na mau hoa, a tuu atoa tu ai i reira, i te raau a Iuda, a faariro ai ei raau hoê, e riro hoi ei hoê i to'u nei rima. *Ezekiela 37 15-19.*

Ua papu atu ra ia e, na tohu Peropheta i te mau mea ta te Atua e faatupu i te mau mahana hopea nei, oia hoi, te raau a Iuda e to'na mau hoa, e te tamarîi a Iseraela te raau a Iosepha e ô Epheraïma, e te utuafare o Iseraela, e to'na mau hoa.

Tatara raa. O te raau a Iuda ra, o te Bibilia ia, tei nenei hia e te hoê pae o te ao nei. E te parau a Iosepha ra, o te Buka ia a Moromona, tei nenei hia e te hoê pae o te ao nei, e, ua faariro te Atua ra o Iehova i taua na Buka ra, ei hoê i roto i to'na rima.

Te faatia nei anei te mau parau a te Bibilia i te mau parau a te Buka a Moromona? Pahonoraa oia mau ia, te faatia nei te mau parau a te Bibilia i te mau parau a te Buka, a Moromona. Ia tai'o hia te hoê mau parau tohu a te Bibilia e ite papu hiai e, hoê â te mau tohu tei tohu hia e te mau Peropheta i te anotau tahito ra i te fenua Amerika.

(E tuatihia teien ei parau.)

Ua Pohe Anatone W. Ivine

I te Poipoi Sabati i te hora 4:30 i te 23 no Setepa 1934, ua vaiiho to tatou taeae here e te tauturu hoê no te Peresideniraa matamua no te Ekalesia a Iesu Mesia i te Feia Mo'a o te Mau Mahana Hopea Nei, o Anatone W. Ivine i ta'na ohipa i roto i teie nei ao e ua haere atura oia i to'na Metua ia farii mai oia i te utua maitai ta'na i faaineine na na iho, na roto i te mau ohipa maitatai ta'na i rave i roto i teie nei ao.

Ua tupu to tatou atoa oto no te mea, e taata here hia oia o te mau taata atoa o tei ite ia'na, area ra, i tera ao, e tupu te oaoa rahi i rotopu i to tei haere na mua ia'na, no te mea e, e farerei faahou ratou ia Anatone, te hoê hoa rahi e e tavini mau na te Atua.

Ua fanau mai Anatone W. Ivine i roto i teie ao i te 16 no Tetepa i te matahiti 1852, e, e hoê hepetoma na mua i to'na poheraa, ua tairuru mai to'na mau hoa i to'na fare, e ua taemai te mau rata e te mau niuniu no te mau vahi atea ia faatura ia'na e to'na mahana fanauraa. E 82 to'na matahiti i te taime i pohe ai oia, e e mea itoitoe roa oia e tae noa'tu i te mahana maa oia hoi te mahana na mua i to'na poheraa, e e mea papu roa to'na feruri raa e tae noa'tu i te taime i pohe atu ai oia.

Te e'a i haere hia e Anatone i roto i teie ao e e'a fifi roa ia. Ua farerei oia i te mau huru ati atoa, noa'tu ra i te reira, ua haere noa oia, e ua tae oia i nia i te Mou'a teitei, te vahi i hiohia e te mau taata atoa, e ua here hia oia e te mau taata atoa. Ua maoro to'na parahiraa i nia i teie nei ao e na rōto i to'na itoitoe ua roaa mai ia'na te ite e te paari, e teie nei ua oti ta'na ohipa i roto i teie ao, e ua anihia oia ia haere i reira ia rave faahou â i te tahi ohipa teitei ae.

A tamau maite tatou i ta'na mau haapiiraa e a tamata tatou i te pee atu ia'na e i to'na haereraa na teie nei ao, e ia tae i te mahana maa no to tatou oraraa i roto i teie nei ao e farii tatou i te mau haamaitairaa o to tatou mau taeae e e haere atu tatou i to tatou Metua ia farii i te utua maitai, mai ia Anatone te huru.

Papaiahia e Leroi Marori.

Te Mau Parau Api.

E faaroohia i te poro Apatoa.

Te faaitēhia nei, i roto i te hoê vea no te 12 no Tetepa i mairi a'enei, e e faaroohia, e te taata ra o Admiral Byrd e to'na mau hoa tei parahi i te poro Apatoa, te reo o te Pupu Himene Momoni te himene i te Taurua rahi tei faatupuhia i te oire ra o Chicago. E faataehia teie mau reo, na nia i te Radio, i te mau vahi atoa o te ao nei ia tia i te mau taata atoa ia faaroo i taua mau himeneraa ra.

Ua Paapaa i te auahi.

I te ava'e Tetepa i mairi a'enei, ua tupu te hoê ati rahi i nia i te pahi ra o "Morro Castle", tei tere atu mai New York i te fenua ra o Cuba. I te tupuraa te auahi, tupu atoa'tura te peapea i rotopu i te mau mataro e i te hopea ua faarue oioi noa te mau mataro i te pahi e te mau horapatete. No reira ua tai'ohia e 137 taata tei pohe i roto i taua ati ra, e 31 mataro e, e 106 hora patete. Mai te au i te mau parau i faaitēhia i roto i te ve'a, te mana'o hia nei e, e mea tutui hia taua pahi ra i te auahi. Te vahi i huru maitai ai taua ati ra, teie ia, aita te pahi i atea roa i te fenua a paapaa ai oia, e 8 noa iho maile, no reira ua oioi te mau ravea tauturu tei tae atu i pihaiiho no te faaoraraa i te mau taata.

Ua moni hia te taata veve.

I te oire ra o West Shester, Pa, America, ua maere te mau mutoi i te iteraa e, ua moni hia te mau taata vevê no taua oire e no reira ua imi ratou e, no hia mai ta ratou moni. I to ratou imiraa, itea hia ihora e ratou, te pahonora i roto i te hoê faaapu tô papaa i te fare o te mau taata vevê. I reira ua ite ratou i te mau ohipa atoa no te hamaniraa i te moni haavare, te mau umu e te mau titoraa no te hamaniraa i te mau moni haavare mai te pae pene, te toata e te afa tara. No reira aita ihoa e taata vevê faahou i roto i taua oire ra.

LOUIS DROLLET *Gérant*

L. R. MALLORY *Imprimeur.*

Rue Dumont d'Urville, Orovini, Papeete, Tahiti.